

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2243 del 03/09/2024

De iniziatif van Bersntoler Kulturinstitut kimmp gamòcht ver en 16. jor

A boch gònz drinn en bersntolerisch ver 26 kinder

[Mòcheno] De ist guat garift de intiziatif “Summer club” 2024, a rai va trèffn ver za klòffen ont learnen s bersntolerisch ver kinder va de 6 vinz as de 10 jor as gahòp hòt 26 gònz junga toalnehmer. S ist haier ver en earste vòrt probiart kemmen za leing zòmm òlla de trèffen en an oa’zega boch as de leistn van agst: de kinder as en de earsteschual gòngen sai’ hom gameicht kennen eirter ont bundern van sai’ lòn pfiart ont gaholven van an ettlena mitòrbeter. Der pèrg, der agritur, der museum, s lesn, de manovern ver en zivilschutz sai’ lai an ettlena van dinger as se gameicht hom as an spilereschn vurm mitmòchen, gor divertirn se ont iberhaup prauchen s bersntolerisch.

Tea’ eppas zòmm derbail as men untersuacht en sai’ lòn ont s sèll as s kònnnt u’piatn en summer ist eppas as runt guat geat ver za prauchen ont za learnen s bersntolerisch. Za hom de mitòrbeter ont de lait as en plòtz as viarn der kindergrupp ist eppas as ver sei runt guat geat. Benn as se aa nèt kennen de sproch as en glaiche livell, za tea’ asou hom se de meglechkett za pruachen en sa en kontekstn as sai’ zan mearestn glaim en sai’ lem van òll to. Derzua, meing sechen direkt abia as gatu’ kemmen a toal òrbetn abia de sèll za mòchen en kas oder za kochen a toal òlta èssrezeptn, hilft runt ver za learnen pesser de richtegen beirter, de sèlln as zuakearn.

Der interèss van kinder ont der sai’ natural bunder hom zoakt as de iniziatif ist bichte ver za gem bèrt en de sproch en de jungen generazioni ont zolt o de organizazionòrbet van Institut ont va de sozial- cooperativa CS4 ont de gèlder va de Autonome Provinz va Trea’t.

(It)